

傳通良宗見

定善義  
三

秋

淨土宗務所寄贈	明治 乙卯年 乙卯月	淨土宗大學圖書	受領第 149705 號	廿 二 部 二 冊 號
---------	------------------	---------	--------------	----------------------------



0931	貴	年
14	重	月
22	書	日
佛教大學藏書		
第	149705	號





觀經定善義傳通記卷第三見聞

第九真身觀事

經 百千等者記有二義初義意百千萬億令為教

量謂一天中百千萬億金也 問若然可云夜摩天百

千萬億金如何 答百千萬億金是夜摩天所有金故

云百千萬億夜摩天閻浮檀金也次靈芝意百千萬億

天喻佛形量也金色喻佛顯也又一義云百千萬億

夜摩天是天數也言在百千萬億夜摩天此金也此義

亦可遵今疏淨土私記亦不違此義也○釋淨土私記者

橫川淨纂作二卷文也此人山法師也▲本 身相踰

者 問經云如是一同天金疏何云踰經相違乎 答



於如有躰如似如然經依分喻雖云如是似如夫實佛  
 意無漏也天金是有漏不可同故今釋顯似如分喻也  
 有漏金色豈等佛身色相乎○靈芝云等者佛身形色  
 廣大顯色黃金如次譬夜摩天數量閻浮檀金也曰  
 問長短方圓等有顯現義故可云顯色何限青黃等名  
 顯色乎 答青等其體定雖對餘色不轉也長短等相  
 對時不定也如長短以一尺對五寸成長對二尺成短  
 等也又長短等雖有顯現義其義異也長短等顯其躰  
 青等顯其色功能是別故則顯形二同雖色法顯色勝  
 故云顯色別約形體云形色也○是廣大等者 問夜  
 摩天器界其量如何 答頌疏云復明天量有餘師說

夜摩等四依處量同妙高山頂有餘師說上倍之增也  
 於妙高頂有二師說一方八万由旬也合四方三十  
 二万由旬也一師意一方二万由旬為定恒河沙譯者  
 誤也若万億恒河沙為定四大海譯者謬也若身量六  
 十万億恒河沙眼量可一万亿那由他恒河沙也▲經  
 百億三千等者 問三千大千內有百億須彌四洲  
 等故云百億歟又三千界為一千數至百億歟 答難  
 量身長云六十万億圓光可等身量云相好光一尋故  
 々三千界為一箇數量可至万亿歟○問佛號等者問  
 意佛号無量光等故圓光亦可無邊際何云万亿有分  
 限乎答意無量光廣通與身所出光圓光枝約項皆別

出例如日月光明遍席分耳况圓光下無量光照十方  
 世界不云光中有化佛菩薩圓光中有化佛菩薩故是  
 其別也又有見聞云谷意圓光者常光通諸佛此外可  
 有無量光是即常光同諸佛論云相好光一尋是也此  
 外有本願所成光云無邊光故無量光等約願所成故  
 非相違也無量光等有 問無量約教無邊約遠近故  
 今舉無邊光可難百億何云無量光憬興云佛光非等  
 數故無量無緣不照故無邊又此釋准理如何 答無  
 量義可通多少遠近今且取遠邊歟如云無量因同淨  
 影云無量等當相以嘆無量長也無邊廣也無導自在  
 也已○况圓光等者量明二光不同謂圓光論化佛菩

薩無量光各別光也 ▲經 婉轉者玉云婉於衰於阮  
 二反屈草自覆順也又音苑 上轉知篆知戀二反轉運  
 比依字訓白毫柔綻圓 ▲經 青白者 問可云黑白  
 如何 答青滋為黑故青黑同色也爰以性相中顯色  
 中不立黑攝青色也 ○對之名物等者 問下別約所  
 觀今物能觀何相對乎 答上舉能觀惣畧所觀下舉  
 所觀別略能觀實上下俱可有能所故今相對也 ○又  
 相好等者經說相與好然今惣釋云觀身別相不舉好  
 以二義會也前義意以好撰相但云相々上好故也今  
 義意相好惣名相々者相良義也相好惣云相觀佛經  
 文分明也 ▲經 光明遍照等者託述二義初義光明

等二句說色光周遍故從世界還照可讀謂彼佛色光  
 遍照十方世界情非情所有万物讀云一一光明遍照  
 十方今二句意也次義光等四句唯說心光攝取故從  
 衆生至照可讀觀念門彼佛心光等文意也△問見今  
 釋文相順前義謂光明等四句爲四五兩段又問端云  
 何以佛光普照光明等唯攝念佛者念佛等加之般舟  
 讚一一光明等釋及禮讚真形光明遍法界上二意蒙光  
 觸者心不退下二意相好光明照十方上二意唯有念佛蒙  
 光下二意文皆准前義觀念法門亦尔謂如前身相等  
 光一一遍照十方世界者當經上二句但有專念已下  
 當經下二句若尔者何存後義乎○答經合二義故處

之釋各述一義以觀念法門爲後義證謂經有照攝二  
 字然觀念門約念佛皆釋之云常照是人云攝護不捨  
 是也况今疏惣釋云光益有緣限念佛者難云觀念門  
 上既云一一遍照等是惣舉色光等照下常照是人者  
 惣別意也若尔今會通非盡理如何答既云但有專  
 念等上照限念佛意也不遑色光惣照一切而今說攝  
 取故照亦局念佛也云○問所言等者問意除他自常  
 光一尋及神通常光一尋不斷也故名常神通者爲後  
 記等時現起非不斷然今念佛攝取光明云也答意今  
 光明本願所成三世常恒故云常光攝也若神通下造  
 立道理合大經文若無量下依文合釋義耳惣此答意

於彌陀有三光一常光二神通光此二同諸佛三本願  
所成光局彌陀○略記等者諸佛常光不斷故云雖常  
一尋故云非遍諸佛神通光照無邊際故云雖遍非不  
斷故云非常彌陀本願所成光具常遍二義經云無量  
劫常義也同常光異神通光遍照十方遍義也同神通  
光異常光也○此佛光明等者言今無量光非一尋常  
光而常光攝也○授記光等者佛為授記者放光也故  
云授記光也大經說彌陀授記光云口出無數光遍照  
十方國土○問所言念佛等者付經光明所照念佛問  
觀稱通局也○觀照攝性名等者坂下問攝取光明限  
念佛云明文無之又定機觀見佛光明攝稱名者云事

不明己身所得尚以不知之况知他人益凡在座聞經  
眾互不知得益故天台玄義第一云此座說頓十方說  
漸說不定頓座不聞十方々々不聞頓座或十方說頓  
說不定此座說漸各々不相知聞於此是顯於彼是密  
或為一人說頓或為多人說漸說不定或為一人說漸  
為多人說頓各々不相知其互為顯密或一座嘿十方  
說十方嘿一座說或俱嘿或俱說各々不相知互為顯  
密此佛在世尚然也况未來世凡夫加之佛色光情非  
情一切悉照雖然攝取光益是非顯露是佛密意益也  
定機何辨之若如難如大經雖有十二光限念佛不見  
也然觀經彌陀已身光明見云念佛放生攝取不捨明

知大經十二願利益專在念佛者云事次難雖難知他人得益定觀成就時互拜見八万四千相好時弥陀光明本來照念佛者見知也是佛知本懷在念佛由定機令識知也是即一切機林名思念故佛現相分心令知定機也有人淵云十方念佛人影像現彌陀已身中見定機知之也例如觀音已身現五道眾生也云○名義具足等者淨土論云稱彼如來名如彼如來光明智相欲如實修行相應故此文稱彼如來名即名也如彼如來光明智相即義也如此名義修行實往生云也阿彌陀佛以光明為體故唱其名當見光明躰由此呼名赴其自躰呼名時意赴所呼躰也今名義者義即躰也

唯識義第一云 問云何云名義自性差別 答呼召之名目云名此名自躰云自性此自性上有苦無常等義云差別名之所標所詮之義云義此義自躰云自性此自性之上有苦無常等義云差別 問名與名自性有何差別義亦介 答能詮之用云名此名持自體非他故云自性所詮之用云義此義持自性非他故云自性也比付此名義等六法四法之異說有無性釋論第六名義自性差別六種開名自性差別義自性差別不同故也瑜伽顯揚無性莊嚴四說謂名義自性差別西明云離即為六合觀為四也唯識義者是小嶋信興釋十卷也慈恩七卷章中唯識章杪也 問今名我法門

其意微細難分別加之名義不離名義具足同異旨未  
顯如何。○答法門配立所望不同也。今意名義具足名  
體不離同事見當流抄物同委存之名十八名号義十  
二光明名義不離有攝取益云名體云時光明名号云  
名躰似別離光相佛體用二也合佛躰上光明々々上  
佛躰俱不離故光明佛體云へキ也俱舍論等義即云  
躰々即云義事在之此意名躰爲同也云○觀念法門  
等者藤田彼文云如前身相等光一一遍照十方世界  
彼佛心光常照是人等上所引文心光者智惠心所出  
光故名心光論云光明智相即此義也又誓得此光本  
意爲念佛者約佛心本意立心光名也。問餘報佛可

有此光明乎。答何報佛可有此光明故攝論說色相  
圓淨云放大光明普照無量世界文然餘報佛無光明  
攝取別願故無攝取不捨光益彌陀獨有光明名号本  
願施攝取不捨光益也是則彌陀報身而有九夫引攝  
本願勝餘佛也云。問坂下觀念法門云彼佛心光常  
照是人心光者何義乎。答有云智惠所出光故云心  
光論云光明智相即此義也又誓得此光本意爲念佛  
者也佛心本意故立心光名也云今云以佛護念心攝  
取行者故名心光或名護念光是即以佛慈悲心護念  
攝取行者義也故觀念門云攝護不捨禮讚云攝護行  
者又靈芝云慈悲心躰皆是心光異称也○般舟讚亦



獲同之者。藤田不為餘緣光普照唯覓念佛往生人迴  
生雜善恐力弱不如一日七日念上文一月七日念者  
是指彌陀經實歟唯覓念佛語偏限稱名義分明也  
問攝取光明限稱名義偏局凡見經前後像觀未云於  
現身中得念佛三昧此修觀者現蒙利益下云以見諸  
佛故名念佛三昧此結觀成念佛之益三處念佛前後  
二文必是觀念中間念佛何獨稱名若余三處文俱觀  
念何云稱名何況觀處實可說觀益然作觀機自無撰  
益之觀甚不應理如何 答准前後文念佛眾生屬觀  
念非文非義彌陀功德本願所成弥陀本願深重誓願  
以光明名号攝化十方成名号為令稱念眾生故成光

明為照稱名行者故今垂願稱彼佛名如彼二十八  
名義本願蒙攝取不捨利益全不可混非本願者又十  
方世界念佛眾生偏局稱名有其所以謂十方眾生非  
今觀機只是十八本願所指十方眾生也又攝取不捨  
是所觀相也佛身圓光化佛菩薩相好光明攝取不捨  
皆是身相具觀諸相豈有取捨却逢撰益故觀行者觀  
彼念佛攝取念佛眾生所觀非能觀者也 問無緣慈  
悲平等攝物故撰護不捨益可通諸行是以下文云以  
無緣慈攝諸眾生又經論念佛言通觀稱十方眾生可  
通觀稱若如所解觀限此土十方眾生可非能觀機乎  
若然不應道理如何 答今念佛限稱名攝取不捨局

稱名事禮讚分明云唯有念佛蒙光攝當知本願最爲  
強觀非本願何蒙攝益又無緣慈悲雖且一切本願益  
獨限念佛事經釋頌著也努力勿疑慮○問攝取等者  
攝取不捨其義少異也攝取者佛願名号機依之歸本  
願佛豎無緣人蒙攝取諸機雖多念佛緣深感應相關  
此名攝取永致音濟故云不捨攝取故護念不捨故不  
退也答中初述攝護義天台下示攝護益也 問攝取  
不捨共本願乘乎 答有先德云阿禮攝取本願不捨非  
本願故三心具者有少分退云今云攝取不捨共本願  
也然有少分退機失非本願失若依行難劣有退成本  
願有少捨失况有少分退雖不順次往生依本願不過

三生是不捨遠近也 問二十願益通諸行若介攝取  
不捨遯益諸行亦蒙此益如何 答果遂本願益依係  
念是故不云念佛諸行蒙此益雖然佛意所志果遂可  
有本意非本意例如來迎願益雖通念佛諸行增上緣  
來迎約佛本意限念佛別益同雖果遂遲速可有之豈  
非得失異乎○又聖等者辨攝護益義同天台論念  
不差事天台釋無之故置又言釋慈慈悲體光明用也  
答中初約色光照攝但念佛下約心光攝取歟○光介  
等者十方世界名處念佛衆生名所攝取不捨云偏蒙  
攝益也○問不念佛等者問意光攝通念佛諸行乎不  
念者是當諸行機答中初舉物相慈悲也但念下別願

光攝也智論下還譬佛不念與光相應者名義相應也  
○向西合掌等者口稱名時身禮心念三業同時也○  
物違光益等者淨土論及禮讚意也○述記云等者佛  
知見行者三業證也瞿波論師天竺阿羅漢也西域記  
云瞿波阿羅漢作聖教要實論比是漢羅灌付二十唯識  
論作疏也▲本彼此三業等者如記料簡衆生具三  
念佛唯在意業耳又一義云佛亦可具三業謂佛知見  
意業也佛嘆行者口業也光照來現歡喜踊躍等是身  
業也故云彼此三業也又竹谷云彼佛與行者云三業  
不離也○問諸佛等者問意依涅槃經佛不見衆生差  
別但觀善心云准之一切善皆可佛親何限念佛爲親

緣平答意稱名佛親本願行故爲親緣餘行非弥陀事  
非生日本願故爲疎但涅槃經說物願慈悲是非別願  
義也○時節日月等者日月星宿即時節一月云月一  
月云月夜云星宿或簡吉凶云星宿劫○上親緣筆者  
初畧分親近差次信知下委顯親近善所謂慈同名親  
極樂婆娑雖隔十萬億佛行者三業不離是親也一處  
同住爲近義佛每日千反行者前來故也○問言近緣  
等者問意今釋近緣云現在目前若然不見佛稱名行  
者若無近緣平答意約本意云目前念佛機不同故或  
有見佛人或有不見佛人如是見不見異故佛來以爲  
近緣也▲本衆生願見佛等者坂下問近緣者佛現

在目前不離云。近緣見然定觀機親在見佛稱名機必  
 不見佛然稱名機觀念機有近緣德見如何 答觀機  
 奉見佛事心眼前事也今近緣見佛云目前故散心見  
 佛同雖見佛定散心見眼見其義迥異也設雖稱名機  
 念佛三昧開發如定機心眼奉見佛也故云現在目  
 前近緣見佛有別緣機時散心中奉見佛者可有之也  
 設亦不見佛若約冥緣尚有不見佛機其上今三緣本  
 願上建立故分之三緣通諸行事可有之若約勝邊可  
 局稱名也○念佛滅罪等者藤田述增上緣大意念佛  
 滅罪々々增上緣也臨終見佛等攝生增上緣也不為  
 邪業等證生增上緣也雖凡夫生為邪業不被障故也

○問增上緣等者問意上近緣云現在目前今文云佛  
 與聖衆上下同見佛二緣差別如何答意約臨終平生  
 近平生見佛今臨終來迎次若初下分五緣成差別近  
 緣見佛護念見佛二緣也今見佛滅罪攝生二緣也故  
 二緣異也○二緣皆等者 問親緣唯限證生緣乎  
 答親緣故有餘五緣親緣是根本依之得五緣也謂依  
 本願故念佛行親佛故念佛有滅罪等五緣也今於五  
 緣且配當三緣時護念見佛約近緣滅罪攝生約增上  
 緣證生緣今通三緣是一徃義也○問稱佛等者問意  
 稱佛時云即除多劫罪何至命終時亦云諸邪業繫乎  
 答意牽引業障多故稱念時雖除亦滅殘映也故珍海

釋見來迎佛除牽引業罪障滅故佛來迎然業障殘故  
見佛重罪也稱讚經云慈悲加祐令心不乱知有罪障  
故心所亂然依佛加祐不乱故知罪障重也也是則於  
念佛可滅多罪功能雖有之能念力弱故不能頓滅神  
鈕譬可合之也○不可頓滅等者坂下此釋意正業成  
隨機可前後見然有人一念業成義云相傳事如何委  
在別紙云○又今但云等者藤田以下通伏難夕意外  
魔亦隨何不舉之通意是文言畧也○或謂等者聖道  
學見人云或謂等此義上云魔說靈芝釋大意云初牒  
世情次斯由下破彼後今引下明淨土門無魔障初世  
情者修淨土業臨終感來迎相是魔非直佛云次破意

初惣略破之言世人不見淨土三經不願淨土往生故  
說邪言憎人正信也三經中修淨土行臨終佛來迎次  
且魔下委分別魔破也四魔中五陰魔衆生色心也煩  
惱心法也死魔色心滅也故此三即汝躰也何不言三  
恐天魔一乎况天魔亦依衆生內心不正故心法成天  
魔也○修持者修行攝持也○魔有四種等者於魔有  
通別二名先通名者魔具可云魔羅此云棄善云擾亂  
也義林章云魔羅此云擾亂障尋破壞擾亂身心障尋  
善法破壞勝事故名魔羅此略云魔已次別名者章云  
煩多擾亂名為煩惱色心積聚名之為蓋収盡正盡夕  
已名死神用光潔自在名天此四即魔皆自業釋已此

中天魔者第六天主具神用爭故名天魔也 問四魔各障何法乎 答章云煩惱障有余蘊障無余死障生壽天魔能障一切善品障出欲界及三界故也 〇乃是

大權者魔王權者眷屬實者也魔王者維摩經云十方世界作魔王者皆是住不思議解脫也妙樂引此文云多是住不思議解脫也 〇多分權者故舉破難者也 〇九夫修道等者於實者魔論擾不擾也是依自心實不有擾不故云自汝心等也 〇如世妖冶等者是婦女等類也樂府云狐假女妖實猶淺一朝一夕迷人眼女為狐媚實則深日長月長窮人心也行人厭心顯彼不近此云端心正色等若行人起不淨心云縱情願眇定依此

被惑亂也 〇此土觀心等者華嚴經云心佛及衆生是三無差別也 〇是觀行者已心也又天台止觀釋十乘十境々々初觀陰境次觀煩惱等境陰境者又陰中第五陰也是取心王不招報心為觀境是指彼云本陰也凡彼宗意十境即觀實相也唯識真如兩觀中當唯識觀雖云唯識觀法相權宗所立三生門中依他唯識觀不可同也今意彼十乘觀等觀陰界等也是自力故多發魔事今觀果德時有佛如故無魔事也 〇一云修淨業等者言彼般若楞嚴等自力觀故魔可發故佛彼經說魔對治法淨土他力故魔無之佛不說魔對治若有魔淨土經尤可說之也若雖有魔佛不說對治即佛迷衆

生也彼等經說無相果為魔對治法楞嚴等觀五蘊皆空若介隨空見魔即現經說如佛界佛是也○山陰慶文等者山陰居處名也慶文師名也此法師有二部衆一示修行法門一卷二念佛正信決一卷今所引正信史文也○摩訶衍論者釋摩訶衍論也畧云釋論也起信論未論也○止觀論者坂下可尋之有云指天台止觀云止觀論歟彼止觀論止觀事故各論歟又有別論歟○發動時魅者藤田法華云魑魅魍魎是鬼類也又十二神中有權實二者可作障也○先有魔種等者首楞嚴經說魔因果有三品上品成魔王中品成魔眷屬下品成所著也○若作聖解等者言魔現時用對治魔

小近若於魔成佛思被魔擾又發增上慢云聖解歟○又楞嚴等者以下靈芝重引諸文也言修無相定時事佛自心高慢故見此相云心魂其相如覺悟故云靈悟欽于佛者他受用相故所化十地菩薩欽○靈悟者坂下指無相觀心欽謂觀心被染妄心所見心光等非為聖證也有云靈悟者覺悟義欽云○靈悟者藤田覺悟義歟言期覺悟諸障被染心光斫明是魔事故次下云非為聖證也又盧舍那千佛等是覺悟相故云靈悟欽下云暫得如是非為聖境即此義也○設見佛形等者問修無相觀人心恒住二諦若一向速有墮偏空若爾何佛形尚屬邪乎 答三諦相須達人實亦也今見解

事既云所著故異所難也。○揀判等者是讚資中釋也。道理委云精叶正理云當也。○問此三緣等者。問三緣限念佛義上顯畢何今致此問乎。答上就今釋約念佛料簡畢今問意今三緣約念佛通通余行也。餘行言通正雜二行先可在四正行合意限稱名故也。遁答可通餘行道理文證何通余乎。○謂約稱名等者舉本文大意初三緣云謂稱名等是故諸經下云本願等本願大經證誠小經此經觀經也。○第四卷等者對正雜判得失五正行為親緣雜行為疎遠選擇亦引疏文立五番得失引合今釋知通五正行也。答意初先立義今三緣本願為緣故限稱名也。次若以觀等下會通疏選

擇疏意正行令弥陀事故隨分有得對雜行名親近非本願故不親近也。選擇意五正行親近稱名親近名同故一往引合也。○今三緣者依等者。問今三緣限本願者何更解釋耶。答今既限稱名釋三緣也。何通餘義故下引三經限稱名况云四十八願中唯標名號限本願義理在絕言也加之禮讚云當知本願不及尋數。○問十三等者是不知。問或試驗問也問意立餘行勝義難稱名可劣此有四由一定敢對定勝散劣也何以散稱為勝乎二相無相對無相勝何有相稱名為勝乎理無相事有相故三讀誦六念乘心等大乘至極修行何未發心稱名為勝乎四戒行世福等止惡修善佛



法地盤也何下品所修稱名爲勝乎答意願非願相對成勝劣義也謂定理發心戒行此等妙行尤雖殊勝望本願意是非彌陀生因本願行故爲劣稱名獨本願行故秀依之云全非比較也又名号是至極無生清淨寶珠異分法躡備勝德故叶淺深諸機其益甚深也凡機雖修之其體非回分故佛選擇取易妙法爲本願生因是有三由一佛爲引有相機於佛果所證法性法身假立名号故名号其躡至極無生理也二諸行理事定散大小法皆各守一隅行也名号乃德圓備法故勝諸行三稱名行自本具易行德故乃機皆往生無一失爲本願之彌易往生業成故諸行勝事重々也故宗家判全

非比較有何失乎▲本自餘修行等者曾問備修衆行皆得往生義言諸行雖往生善若對念佛時勝劣迥別云也○本願果成等者此義意大經一部始終云四十八願中願文外說願成就故不離本願謂四十八願成就三輩一向專念佛流通彼佛名号等是也又一義云四十八願唯者四十八願中限念佛爲生因是指三願云四十八願中謂十八生因限稱名來迎願本意在念佛故三輩通云一向果遂願亦念佛爲本意云又云聞我名号也此三願云四十八願中○復有義等者大經觀經云唯也付之有二義初意三經說相釋尊本願意難局念佛依之簡去非本意諸行攝取本願意念佛

云唯也後義意彌陀本願得生唯限念佛故簡去非本願諸行得生攝取本願念佛往生云唯也此二義同道虛存實唯也謂諸行釋尊非本意彌陀非本願故虛也念佛釋尊本意彌陀本願故是實也 問付初義不明願成就說釋尊妙說故廿七可被云四十八願是彌陀願說也今文既云四十八願中何約釋尊佛意云唯乎 答四十八願中生因念佛故釋尊佛意亦有專念也况先義惣指一經云四十八願中依此義亦無相違歟 問直可唯標名号得生未有佛意說何恣制言而書一句一字不可加減誠乎 答念佛諸行往生明鏡也非可諍處三輩流通大善證誠付屬等證懃亦經文明

也釋家云唯標非彼流通等意云何不加字後道自成立若然不可皆不可減誠者也 問有云唯義非一或隱劣顯勝唯唯識章云心及心所俱能變現但說唯心非唯心所心王躰殊勝依勝生隱劣不彰唯顯勝法上或遣虛存實唯唯識章云觀偏計所執唯虛妄起都無躰用應正遣空情有理無故觀依他圓成諸法射實二智境界應正存有理有情無故比依此等唯道理念佛餘善俱雖本願隱餘行傍劣獨顯念佛云唯明等也 答若有諸行本願經釋其義雖可然經釋無諸行生因本願說焉成此善道乎十九二十雖有諸行言非願躰觀經雖有宿願言是非別發願其外何有諸行本願乎

况彼隱劣顯勝者於心王心所同時相應法成其義道  
 念佛餘行是各別願何為證乎又問有云定散文中  
 唯標專念名号得生者唯是簡持義也故唯識疏云唯  
 者簡持之義比又唯識章述三義一簡持義二決定義  
 三顯勝義也云云今唯標得生簡去諸行不生持取念佛  
 得生故云唯也若言持取本願得生者既無本願言何  
 文言不顯而成簡持義若強成立正違當文兼書諸文  
 處々唯者言顯勝簡持故又設雖有文本願言簡去非  
 本願不生持取本願得生故亦成諸行不生義如何  
 奉今言唯者簡去非本願得生持取本願得生故云唯  
 也文無本願言者為云念佛非本願行歟既引大經云

四十八願中唯明等二經專念意在本願念佛生回本  
 願行云是自他極成義也文云名号知本願云若然何  
 云簡持不顯乎又雖言不顯置唯字有之謂五重唯識  
 第五遣相證性唯識也彼釋云識言所表具有事理事  
 為相用遣而不取理為性躰應求作證上意識言通性  
 相々者依他心用也性者圓成心躰也遣彼依他證圓  
 成故云唯識々通性相唯識者持取性識之意也今唯  
 標得生者得生通念佛諸行簡去非本願得生持取本  
 願得生云唯標得生也次簡去非本願不生義此不然  
 也和尚上人意諸行釋非本願而許得生是處々釋分  
 明也况今問云皆得得生答許是善故知但簡持願非

願持取生不生也。若有諸行非本願不生。釋者可如彼。義既云非本願許往生。何如此得意乎。本結小顯多等者。上云八万四千相好光等。指此云其光明相好不可具說也。八万四千者。惣畧標之。故云少々者。略義也。具可說云多。故云顯多也。○問若約等者。同意約自力。定心見可難。依他力目見可易。何。今文目見為難。心見為易乎。答有二義。初義。心見依佛力。故為易。五識定不相應。故不證定云。未證目前也。第七觀住立。散心眼見。故對定中。見麤細。迺異也。次義。意未證目前者。未得正受定也。正受定。明譬目見也。若依初義。未證令契義也。未契目前義也。依後義。證令得義也。未得正受定。

也。本功呈不失者。觀想成就云。功呈見佛云。不失也。具如群疑論等者。彼論第六云。問曰。如觀經第九

觀中本欲觀阿彌陀佛身相光明。計作觀成。只合觀見阿彌陀佛。何因見阿彌陀佛。乃更得見十方諸佛。耶。釋曰。此有三義。得見十方諸佛。一釋由諸佛功德。悉皆同等。皆有自利々他化益平等。故觀一佛。即見十方諸佛。故文殊般若說一行三昧云。能於一佛念々相續。即是念中能見。過去未來現在諸佛。何以故。念一佛功德無量無邊。亦與無量諸佛功德無二。不思議佛法等無差別。皆乘一如成。最正覺。悉具無量功德。弁才二釋。以見一佛得念佛三昧。除障滅罪。故能通見十方佛也。二釋

禮夢良... 一約行者上... 二約佛德... 三約佛信... 四約佛見... 五約佛用... 六約佛見... 七約佛見... 八約佛見... 九約佛見... 十約佛見...

阿彌陀佛光明遍照十方世界因光得見十方佛也般舟三昧經說跋陁和菩薩請釋迦牟尼佛言未來眾生云何得見十方諸佛乃教令念阿彌陀佛即見十方一切諸佛以此佛特與娑婆眾生有緣先於此佛專心稱念三昧易成除障滅罪光明遍照見十方佛也上引文有問者問意為見彌陁思惟觀成但可見彌陀何依見彌陀亦見諸佛乎答有三義第一意諸佛德等故見一佛時見諸佛如聞夜見一星時見諸星第二義意見一佛滅罪障故見諸佛也第三義意彌陁以光明照十方故見光明所照十方諸佛也▲本二明等者為顯因得念佛三昧見諸佛義故云結成念佛三昧問見

佛心等者問意佛心唯佛與佛境界等覺十地尚不知唯識論云如來實心等覺菩薩尚不知故上况今定善機凡夫也何云見佛心乎答意佛有自證化他二自證心等覺不知之所難此意也化他心畜類尚知也謂見佛心下明見相言佛因位行無量慈悲心得相好故一相好皆慈悲形也故見相好即見慈悲心也故今經云佛心者大慈悲是也次見相知心下明所知心解也言於佛心有真似自受用心乃所是真心也他受用變化心乃所相似心非實心也以自受用神力變相分心相似心法安他受用變化身也十地菩薩知他受用相分心凡夫二乘知變化身相分心也今知佛心者當他

受用相分心等覺十地不知佛心者自受用實心也○  
當法相等者彼宗於心法分四位一相分二見分三自  
證分四證自證分於四位中第三躰余三用也初一唯  
所緣次三通能所也○具如群疑論等者彼論第六云  
釋曰薩婆多部釋此義言佛有二種心一曾得心二未  
曾得心佛起若未曾得心舍利弗等盡思度量不能得  
知若起曾得心乃至獼猴等亦知佛心解深密經佛自  
釋言佛見分心十地菩薩等所不能知起相分心一切  
九夫悉皆知也今言亦見佛心者是見相分心也經言  
佛心者大慈悲是也然佛有緣理內證智心有緣事外  
觀衆生心知緣理內證智心是自證分心佛々相知十

地莫測緣事外觀衆生見分心亦佛々相知十地不測  
緣理及事外觀衆生相分心如來乃至獼猴亦知佛心  
也上所引文初小乘義此有二義隨應義也解深密下  
大乘義也見分心者自受用心也相分心者他受用變  
化心也然佛有緣理下分真似二真心又有緣理緣事  
似心亦有緣理緣事然佛有緣理內證等者根本智名  
緣理內證智後得智名緣事外觀問護法正義意佛  
果見分直緣直俗二諦故見分根本後得二智也自證  
分可緣見分今何自證分爲根本內證智見分一向爲  
緣事後得乎○答實如所難見分緣事理但今護法門  
彼中有一義自證分爲根本智今但順彼也述記云雖

緣真如。々々非外以見分用外故亦不得緣。上演秘釋  
 云雖有處言見分緣如見既用外實不得緣。詳曰且依  
 見分不緣如義為順此中見分名外故非盡理矣述記  
 文真如非外者唯識論於四分々内外相見為外々餘  
 二分為内見分心法故隨所緣為外也見分為外且引  
 不正義也依此見緣如云也演秘有處者是護法正義  
 也不得緣者不正義也見不緣如也詳曰下判二義是  
 非為成見外且引見不緣如義也是非盡理說見分緣  
 如即盡理說也曰問因位果位四分相緣義如何  
 答先因位四分者相分但所緣見分能緣但緣相分自  
 證分緣見證自證證自證分但緣自證分也次果位四

分者有二義一三通緣三謂見等三分除自各緣餘二  
 分也二三通緣四緣見等二分證自也自證者分緣自  
 證變相也是相本質自證變相緣故自證々自義也若  
 無見分緣自證々々分自緣義不可成也證自證分爲  
 能緣可成見分自證義見分爲能緣可成證自證分自  
 證義也緣三者一見分成能緣々相自證々自證故三  
 分所緣也二自證分緣見相證自證三證自證分緣相  
 見自證緣四者一見見緣相見自證々自證二自證緣  
 四分三證自證緣四分也前能緣有三所緣各有三故  
 云三通緣三後能緣有三所緣各有四故云三通緣四  
 問因位四分不緣相見緣相自證緣見等也緣果四

分何見緣自證等變相分乎 答見緣自證等果位初  
 緣新境故變相本緣境不變相也又此四分通八識心  
 王諸心所法但假心所不可四分無其實躰故也凡小  
 乘薩婆多宗曾得未曾得者補闕章云生得善名曾得  
 加行善名未曾得又解有漏善名曾得無漏善名未曾  
 得比散心所修善名生得善生便得故名曾得定心所  
 修善名加行善數々加行初得上界心故名未曾得約  
 有漏善事薩婆多論意也此意有漏定散從無始得故  
 名曾得無漏初得故名未曾得也唯識論云有漏曾習  
 比演秘云言曾習者是曾得也 文 問加行言可通定  
 散何限定乎 答加行善約定論藏所判也但散善付

加行名但此位名也補闕章者泗州大師作也續七卷  
 章也相宗意自受用見等三分能緣心唯佛所知非餘  
 境界彼相分心雖是非兼法無上覺者名變化身心々  
 所法又使成事習後得相分心實非緣此相分心實非  
 緣慮而似緣慮故猕猴學亦知此心也心法難變法也  
 然自受用身神力難思力變作心法也雖變是無緣慮  
 義譬如移鏡火炎無火用也 問瑜伽論云於四事不  
 能化一根本心三心所四業上今何云變化相分心乎  
 答唯識論會云雖說變化無根心等而依餘說不依  
 如來又化色根心々所法無根等用故不說有比論有  
 二義初義瑜伽不化根等者約二乘等佛神力勝故可



變化根心等也。次義佛雖變化根心等，非實心所故。瑜伽說不化也。問何故見分心不知之相分心能知之乎。答如來實心深細微妙，故因位眾生不能覺知。然為引他令相分心現似緣慮實非慮知也。云法華云等者，佛常恒欲利生無闕減是慈悲故也。依之大乘十八不共法中云欲無減也。是度生樂欲，片時無捨也。智論二十七云等者，初直釋大慈悲拔苦與樂，次舉譬顯。後問爰大義問意對何小名大乎。答有三復次初義意對二乘慈悲，第二對曰位慈悲，第三淺深廣狹相對。淺狹為小，深廣為大。〇大慈與一切等者，大乘云拔苦與樂，今且隨轉小乘云與樂拔苦也。〇喜樂曰緣者，機

信為曰佛慈為緣蒙喜樂也。又佛慈為因，機信為緣與喜樂也。〇以五所欲者，色等五所欲境界故。云五所欲也，又欲界樂名五所欲之樂。初二禪樂名禪定樂，第三禪樂即名最上樂，對出世樂亦是劣也。世中最上故別云世間如四善根，第四別云世第一法也。〇此中十八等者，今釋處云此中言今所釋十八不共中慈悲佛功德為天云也。〇余人心中者，佛外三乘人也。問四無量者，其相如何。答俱舍頌云無量有四種，對治瞋等故慈悲無瞋性喜捨無貪。一慈無量心無癡為躰，治瞋與樂二悲無量心無瞋為躰，治害拔苦論主不害為躰。文二喜無量心喜受為躰，治不欣慰也。四捨無量

心無貪為躰治欲貪也。惡親等平等也。○螺虫者螺王云音累蟬蛤類也。比○三千大千等者以下舉所對。免惡道。若得世界樂故淺劣也。佛得出世樂故深大也。○慈有三種等者三種慈大意有殺生體緣行慈悲名。衆是緣是堅執五蘊和合假躰行慈。悉義也是約凡夫慈悲也。但有五蘊法體然衆生有實我執受苦故名法緣慈悲。一切我法皆空然衆生執我法受苦故引慈悲名。無緣此三緣有橫豎義。豎者凡夫有學行衆生緣慈悲。羅漢等行法緣慈。佛行無緣慈。橫者佛具三二乘具二凡夫唯一也。問依橫義佛衆生緣凡夫衆生緣差別如何。答假實遙異也。凡夫實緣衆生佛緣假和合衆

生法緣亦亦也。○姊妹者王云姊將仕及女子先生也。妹莫皆及女子後生也。文○多在凡夫等者多凡夫起之。少分有學亦行之也。問有學者前三果然見道既斷我見何行衆生緣。又見道十五心揀短也。何行慈悲乎。答依小乘實難會通。若相宗意身邊二見通修道。又第七識相應我見非想第九品惑同時斷之。故有學心中尚可有我見依此意歟。因問俱舍唯識見修二道煩惱配當如何。答先小乘俱舍意見道所斷惑者貪瞋癡慢疑及五見也。修道所斷惑者貪瞋癡慢四惑也。次大乘唯識意見道所斷惑名分別起其配立同小乘修道所斷惑名俱生起。謂欲界有六貪瞋癡慢及身

見邊見二也○諸漏盡等者彼佛斷二執然約人執邊  
 同二乘也○破吾我相等者所執我云吾我相我義相  
 云一異相聖人既滅云破滅也一異者自他一異或我  
 蘊一異也○觀從因緣等者觀衆生欲心諸佛慈念俱  
 因緣生故無平性也但五蘊人體空云但空五衆也然  
 衆生此五衆合爲我人是云即是衆生等也五衆者五  
 蘊也法華云五衆之生滅是說五蘊也○是法空等者  
 問今法緣慈也何空法乎亦無緣有何異乎 答法  
 遍万法今我名法非我法隨一法也○爲世俗法等者  
 許有事法躰名世俗法無緣真諦故對彼也○不住有  
 爲等者知無爲故不住有爲緣有爲故不住無爲非偏

有無故云二住也○知諸緣等者對無相無理事法差  
 別且屬顛倒對遍計虛依他俗諦非顛倒故也○分別  
 取捨等者取好捨惡等也已上明所化衆生相以是下  
 能化相也○淨影天台等者淨影云然慈悲心有大有  
 小繫緣分別名之爲小心想都滅而於衆生無所分別  
 自然現益目之爲大小中有三種一衆生緣之諸衆生  
 欲與其樂欲拔其苦二法緣觀諸衆生無我無人但有  
 五陰生滅法教而行慈悲無我無人云何行慈如維摩  
 說自念爲生說如斯法故名爲慈又念衆生妄爲我人  
 之所纏縛深可哀愍故行慈悲既無衆生爲誰說法念  
 誰爲我之所纏縛經言無者但無人性非無幻化假名

衆生故得爲說令之放縛三者無緣觀五陰空寂本無所有而行慈悲法既不有云何行慈亦有兩義一令爲生說如斯法即是第一義樂與人故名爲慈二念衆生安爲有爲之所纏縛深可哀傷故行慈悲法既不有何處有人而爲說中釋言據彼菩薩自心實不見人亦不見法不見法故無所言說不見人故無可爲說故經說言平等法界佛不度生據彼衆生以望菩薩於衆生外別有菩薩聞彼菩薩說無人法捨心契實同其所得便言菩薩爲生說法故經言衆生強分別說佛度衆生此前三種緣觀修習通名爲小大無量心亦有三種一衆生緣無心攀緣一切衆生而於衆生自然現益涅槃云

我實不住慈善根力令諸衆生見如是事二者法緣無心觀法而於諸法自然普照如日照物無所分別三者無緣無心觀如而於平等第一義中自然安住今此所論是大中衆生緣也故今說言以無緣慈攝諸衆生比天台云無緣慈悲者彼佛所被謂心不住有無不依三世知緣不實以衆生不知故實相智惠令衆生得之是名爲無緣也<sup>上</sup>靈芝云智論云慈有三種一衆生緣慈無心攀緣緣一切衆生而於衆生自然現益二法緣慈無心觀法而於諸法自然對治三無緣慈無心觀理而於平等第一義中自然安住後一據理躰前二約事用今舉無緣義收三種謂諸佛心不住有無不依三世平

等大惠常照法界以此攝生令無不攝不由緣起故云  
 無緣即前所謂念佛眾生攝取不捨是也此淨歎釋意  
 初釋惣名次小中下別々釋豎約凡夫二乘菩薩成三  
 種差名小慈悲於佛果上摸成三種無分別思名大慈  
 悲非業大小也釋法緣中初直述義無我下問也如維  
 下答也初於無我人能化自念有之說無我無人法為  
 慈悲次又念下眾生為我人所纏縛故深哀行慈悲亦  
 可准之既無已下就上二義難第一云為誰說難次義  
 云念誰等也經言下義意可知准上維摩經名經歎經  
 無我者無我人實躰也假名眾生無也故為說無我法  
 也無緣中初直釋次問答准法緣可知也釋言據彼等

者言依能化內證人法俱空故能化無說法等可無所  
 化得益依躰用能所差別所化眾生聞能化說得益同  
 能化也 問小乘四無量心能化斷證緣所化無益今  
 何於小三緣皆有益云乎 答小乘四無量心無所化  
 益者約二乘云也菩薩於所化實有益也今約菩薩故  
 有益也不度生等者法界理本無苦無樂無因無果也  
 何有度脫等義依事法時有受苦樂等也故拔苦樂也  
 亦有二種等者一往雖分三緣眾生法等皆是假也故  
 云無心繫緣等雖然任運於眾生與益也故云自然現  
 益也若所化眾生有機感佛現前實雖不往因行時能  
 修慈心故依此力有利益也今此所論等者已下以上

釋合今經觀經所說云今此所論今經言無緣慈者非  
三緣中第三大乘三緣無攀緣云無緣大乘三緣中衆  
生緣云攝諸衆生故也天台云等者此師釋中上釋三  
緣事同泮影大乘三緣今所引合今經文也此師意三  
緣中第三云無緣也諸佛所被等者無緣慈悲諸佛所  
有故云所被也又以無緣慈悲令蒙衆生故云所被也  
住中道故云不住有無不生不滅理故云不依三世衆  
生法空故云緣不實衆生不知此理故佛發無緣慈令  
得實智也靈芝云等者此師意今經無緣慈者三緣中  
第三也名雖第三義收三種平等惠照法界法緣也攝  
取衆生衆生緣也不依緣起無緣也不依緣起者諸法

因緣生滅云緣起住中道故云不生也即前以下顯攝  
諸衆生躰也諸師釋中有三義今家意當何乎 答今  
無顯了釋但天台意順經文歟若然大師意亦如經可  
取義也▲經 得無生忍者准上上品即悟無生三賢  
無生或初地分也▲經 是故智者若對聖道斷證  
人今定散機煩惱賊害故可愚者然今定勝散劣故對  
散機定善人屬智者也又依法念經所說夕後世人  
憇名智者也○答群疑論筆者此有四釋一釋言作此  
第九真身觀時非直見阿彌陀佛亦凡十方一切諸佛  
是故非直生極樂國亦得隨願通生諸佛國故言生諸  
佛前二釋云雖見十方諸佛然作此觀本擬往生西方

如何通生諸佛國也而言諸佛前者以此觀勝行者得  
生西方之時非直見阿彌陀佛即見十方一切諸佛故  
言生諸佛前三釋言此阿彌陀佛雖是一身國中化佛  
其數無量行者初生之時化佛雲集皆來摩頂爲其說  
法化佛非一故言生諸佛前四釋言阿彌陀佛雖現一  
身而此一身多佛同變相雖是一其躰實多以多諸佛  
於一衆生皆悉有緣並悉共變阿彌陀佛同在一處猶  
如多盞燈光各別不相障碍似同一光佛身亦亦諸一  
一佛各變一身雖似一身其實多身雖生一佛前即名  
生諸佛前也上所引文意第一義觀成見諸佛故於彼  
土中隨願可生一土也所生土可通諸土故云諸佛前

也第二生極樂時臨終見諸佛故云生諸佛前或得生  
西方言得生以後見諸佛也第三得生以後見彌陀化  
佛云諸佛第四有緣諸佛合成弥陀一佛云諸佛也相  
宗釋或一菩薩多化佛有是義今順彼也唯識論云隨  
諸如來所化有情有共不共所化共者同處同時諸佛  
各變爲身爲土形狀相似不相障碍展轉相雜爲增上  
緣令所化生自識變現謂於一土有一佛身爲現神通  
說法饒益於不共者唯一佛變諸有情類無始時來種  
姓法亦更相繫屬或多屬一或一屬多文○勝餘相等  
者 問法華疏云白毫功德不及肉髻功德乃至肉髻  
百千万億及成梵音聲已若依俱舍等一一相百福爲

曰又華嚴一一相剎塵慈為因是諸相功德可等見今  
白毫為勝其相違如何 答實如所問佛諸相皆是無  
漏跡故可無勝劣如是說勝劣且隨機一往說相也再  
往言之不可有勝劣也 問白毫勝曰如何大經云若  
菩薩摩訶薩不陔他德稱揚其善以是業緣得白毫相  
比▲本 重明等者上舉修觀現益久舉生後益後重  
明修觀益中白毫觀為要也▲本 但得白毫等者  
問感師得定見白毫何不見餘相乎 答群疑論云未  
法得聞思不可得修惠定 比准彼師得聞思分未得修  
定故見白毫少分不見餘相歟又依普賢觀得定未除  
盡罪障比准彼師得修定未盡罪障故見白毫少分不

見餘相歟○大惠光明等者般若惠所放光故云惠光  
○縱使生瞋等者 問生瞋者可有滅罪乎 答可無  
滅罪但覆護者此為逆緣終可滅罪也又既云覆護今  
可滅罪如近火者瞋喜同熱○暫聞是語等者上約逆  
機讚毫相德自下廣約逆順機歎毫相也○如是種々  
等者重白毫觀云如是等歟又因白毫觀指余身光等  
觀云如是等歟○虛心等者對下繫念散心名乘欲又  
順逆心名鹿心歟○釋迦文等者彼經廣說滅後相有  
如是事云○涅槃相力等者入滅當相名涅槃相神力  
名力言入涅槃佛以神力示色身也又佛所證理云涅  
槃理內具諸色相依此現色身也天台云性惑若斷普



現色身從何而立此性宗意理內具十界形故佛亦現  
 畜類等也此名性惑佛雖斷修惑不斷性惑也彼經云  
 聞提斷修善但有性善在如來斷修惡但有性惡在上已  
 理內本有善惡名性善惡正發意作意作善惡云修善  
 惡也相宗意但神力自在示現十界形現惑業等也此  
 皆第八識所持無漏種子現行示現相也○過去空王  
 佛等者文有六句初四句經文也我今以下二句惠心  
 述行者念相也○群疑論等者文有兩義初義意既云  
 無見頂相故雖不見一相而約多分云見諸相也後義  
 意佛神力加被亦令得見機自分無見故名無見頂相  
 也云○如釋迦佛等者西域云取刀自斷其髮淨居天

化剃髮人為剃淨髮也比此今證也 問涅槃經云生  
 七七日已示剃髮諸人皆謂我嬰兒初始剃髮一切人  
 天乃至無有能見我頂相者况有持刀臨之剃髮比與  
 今相違如何 答涅槃經意說八相皆云示現若尔者  
 約示現見頂也其實不見也又五分律云菩薩出家至  
 頂摩那樹下有剃髮師共令除髮比普曜經云以劍自  
 剃髮作是言願共一切除斷煩惱比▲本 斯乃等者  
 六十万億云量逐五山毫釐也已上二句歎相好震等  
 一句說法歎口業光等一句光明遍照意歎身業已上  
 明佛說觀相欲使以下明佛光佛說本意言佛說當觀  
 為令眾生修觀往生也能觀機云含靈歸命安心住想

觀行也十九願云本弘云臨彼國故也

▲第十觀音觀之事

○問師徒等者問意擬佛身長弟子長甚以少難此乃弟子無恒河沙數量故也若菩薩身量佛半三十萬億那由阤恒河沙由旬吞意佛菩薩身量長短不定也上云六十等說大邊菩薩亦可隨佛今云八十等說小邊見身亦可隨之二處經文各說一處雜觀疏云佛大侍者亦大佛小侍者亦小也則此例也○靈芝等者佛侍不定合上義證也○又淨影等者彼師於佛身有二意一順眼等量恒河沙錯也二恒河沙長眼等錯也云今所引初釋意於佛身恒河沙屬錯菩薩長二十萬億增

佛恒河沙為正菩薩長更下故云長短未定次釋恒河沙為正菩薩長成增減謂除万字加恒河沙也○知禮等者以下三師准天台疏恒河沙屬譯者誤而亦菩薩身重推減也天台一邊恒河沙為誤故菩薩八十万億增佛二十万也依之知禮等減菩薩身量也○問如釋迦等者問意上就十八万佛身長菩薩短難也如釋迦所化衆生佛身半也准之觀音等可云三十万億吞意織土佛身所化高下非懸隔淨土勝應佛身遙高也○源清者天台未師名也觀經疏未書名顯要記今於菩薩身量有二義一除十字為八万億二除八字為十萬億也○疏抄等者披文可知○問如此文等者問意今

肉髻與螺髮對之故肉髻唯在菩薩佛以無之故致難也答意者佛菩薩共有肉髻然佛勝菩薩劣也云問此合意肉髻即螺髻云歟又肉上有理髻云歟答今意者肉上有螺髻云也菩薩以如此或佛因即螺髻形也菩薩別結髮云髻歟○答佛有等者二重高名肉髻是肉髻上髮黑名烏瑟々々三十二相初也故佛可有但今不同者佛螺髮菩薩結髮此云不同佛菩薩俱雖有肉髻勝劣異也故下云不及也○問真身觀等者問意上觀說佛螺髻今可顯不同上不說何云不同乎答意餘經中說餘佛螺髻彌陀亦不然故云與觀音不同也如觀念門以釋迦四八相觀彌陀也○問真身肉髻

等者問意問肉髻上莊嚴也肉髻能具相貌所具物也是謂能具所具別躰也答意依顯教肉髻有螺髻此外不說別物依密教此外具寶冠也問坂下今彌陀報身也何同應身有螺髮相乎答付報身佛顯密不同有之顯宗意彌陀大躰螺髮相也密宗意彌陀著寶冠顯教報身相海奇應身相貌觀之也彼寶冠佛不為本尊云俗不禮彼宗儀於俗形者示為禮也問顯教中雖說報身未明其相知佛相專出密宗加之顯教無成佛理釋迦如來因位勝我生菩薩過三無數時劫成正覺時不知成佛道思惟處空中告以呼字成佛是瑜義經意也空中聲者或彌陀或大日也既一代教主不遂

顯宗成道唱密教成道何阿彌 隨定螺髮報身乎 答  
所難密教意也宗顯不許之龍女即身成佛是顯經意  
也三周得悟聲聞未來成佛又法華妙理說也何顯宗  
無成佛云乎彼釋迦成道事且示密一機義也何以彼  
一文押諸說乎依華嚴說於釋迦成道機見是不同也  
或今日成道或見久遠或云無始何以應身不現一說  
妨久遠實成彼赴機此實成也不可例難也○答佛光  
筆者藤田佛果位故光勝如月光菩薩因位故光劣也  
故如月也▲經 面各者縱廣各千百由旬也又中心  
兩方云各歟▲經 五百化佛無量諸天等者 問此  
諸天佛菩薩中何侍者乎 答佛持者也○例如普賢

等者坂下普賢經云普賢菩薩身相瑞嚴身諸毛孔放  
大光明亦作金色諸佛菩薩比○證真如位等者若天  
台意初地初住時自識成道究竟圓滿地住已上增進  
對機成道也故地前住前從因至果成道也地住已上  
從果向因成道也▲經 舉身光中等者 問現五道  
衆生何意乎 答和尚無細釋但餘師義有之○靈芝  
云等者藤田初釋五道言可云六道修羅合余道故云  
五也次明現由是菩薩救五道苦故所化體現光中也  
問今釋唯云光中現五道不云舉身赴機衆生何引  
合乎 答今釋雖幽禮讚分明也可見彼云○良由菩  
薩性具筆者坂下此釋意具十界性同體大悲及五道

衆生依之現云也十界互具法門法華法便如地獄始  
 至佛果各具性相躰力作因緣果本未究竟十如是如  
 此十界有如是亦前十界各一界具九界此時成百界  
 千如此界如衆生國土五蘊三世間各具百界千如故  
 成一念三千也六即各具三千初三唯理具也相似位  
 所具十界舉身現今見也法華云三千世界中一切諸  
 群萌人天阿修羅地獄鬼畜生如是見色像皆於身中  
 現此此文說相似即菩薩也况觀音分真即菩薩也  
 問十界互具法門爲約理爲約事乎 答天台玄二云  
 理體無差々約事用<sub>已</sub>弘<sub>也</sub>五云又此理具變爲修具  
 一一法具無非理具<sub>已</sub>又云佛果已滿從事而說已具

十界初地初任分具十界乃至九丈但是理具<sub>已</sub> 問  
 天台妙樂釋似相違如何 答不然天台偏約事用方  
 論互具法門然今非云無性具十界妙樂修具十界理  
 具生不離理具是不相違天台意也但至理體無差經  
 性具法云理躰無差也涅槃云生等理具十界理舉身  
 備故其形一一難分可經理體無差例如一塵中具地  
 水火風四大實四大時其相難分成微四大時其相顯  
 凡夫理具備十界德微細難分別相似已下位性具十  
 界豎顯故其相可辨故云差約事用也○性具十界等  
 者<sub>藤田</sub> 菩薩性具十界故住聖同躰大悲行四攝故感  
 應相關能化性異所化十界設行喜悲豈有機光中所

現即聖所具也云云○自然關感者感者機感眾生感行  
 觀音利益也○法華云等者是法師功德品文也相似  
 即位淨六根故身根中現之也○相似既等者見思斷  
 十信位也若約別教當三賢也○問善善等者問意觀  
 音光中現五道若然違無三惡趣難也○更非譏嫌者  
 問既有五道苦受逼迫相是躰譏嫌也若非實苦受  
 豈非名譏嫌乎 答三種譏嫌者約實正報今佛菩薩  
 現所化相何屬實譏如終鏡久豈是實燒物哉○如意  
 珠有三等者 問於一種舉三異名歟又何不述威光  
 德乎 答此各別珠也又不舉德此珠無威德歟若有  
 何不舉之乎○善根所生等者三珠皆是善根所感也

然毗楞伽異勝故別云善根所生也○龍樹禮等者  
 問彼禮不云阿彌陀如何 答既云故我頂禮彌陀尊  
 何非彌陀乎○又天台等者以下引與釋天台等意觀  
 音過去成佛表此果戴也 問天台依觀音三昧經化  
 佛判正法明今家龍樹依何說而釋除陀乎 答觀音  
 三昧經雖說過去成佛號正法明未明化佛頂戴故彼  
 釋義推也龍樹今家依千手經等判本師阿彌陀尤有所  
 據也千手經云先應專念我本師阿彌陀如來然後即  
 當誦此陀羅尼神咒此亦龍樹既判彌陀定可有所依  
 也○觀音三昧經等者指千手經歟彼經云已於過去  
 無量劫已作佛竟号正法明如來大悲願力安樂眾生

故現作菩薩一切八天常須供養專稱名号得無量福  
 滅無量罪命終往生阿彌陀佛國上已○修淨土行者淨  
 佛國土成就修行也○又疏抄等者疏抄許三一正法  
 明二彌陀三釋迦也彌陀云義合龍樹禮正法明如來  
 云義合千手經釋迦云義雖無其證高祖義故合云隨  
 緣也○觀音讚者慈惠大師作也○又憬興等有問  
 興師二釋意如何 答觀音頂戴彌陀有二由一為顯  
 補處相也二為伏魔也付伏魔初述觀音自身伏魔外  
 道相次頂戴彌陀伏魔也是則廢外道不敬重師故戴  
 師伏彼也○又殊異者 問二義意如何 答初義可  
 知後善意者勢至天冠中有寶瓶觀音天冠中有化佛

是云殊異也○所證真理等者 問一身中別面同事  
 有其由乎 答人身中所詮備面故菩薩亦准之欽心  
 如面云此義也○如下餘相二相同異者指第十唯頂  
 上內髻及無見頂相也▲本 五明等者 問惣文段  
 舉紅蓮細段何略之乎 答舉滿十方顯譬也○或本  
 云譬竿者經有異本譬臂不同有之依譬本化侍遍滿  
 譬紅蓮華也依臂本者上觀毫光化佛侍者臂如已下  
 觀之音臂也○問憬興等者與師釋中初破他今則下  
 述自義破他者於難知法用譬也菩薩身色易知何備  
 譬難又勝佛色尚不用譬菩薩何用譬故譬本非也次  
 自義者上觀面相下觀手掌等中間云臂次第觀相也

故譬本是也。答中初會初難次若言下會次難次既佛  
 下破彼師自弄後復於下通伏疑也。其義可知也。〇答  
 未見菩薩等者。慈云依譬本非取色是盛貌也。謂彼菩  
 薩聖眾未見之故。取蓮華盛貌在池。譬菩薩聖眾也。釋  
 云化侍弥多更比紅蓮色。<sup>已</sup>此意也。▲本 遍滿十方  
 等者 問經文化前滿十方後也。何釋前後乎 答滿  
 十方者非別事上化侍滿十方故。釋為令知化侍滿十  
 方前後欵。▲本 手有慈悲之用者。雖有多事攝引衆  
 生最用。故從終獨用。釋也。意以種種莊嚴。手引攝衆生  
 是慈悲用也。▲本 八万印文者 問經云八万四千  
 如何 答若過若減皆存大数意也。〇提拔等者與樂

拔苦云提。拔引衆生云提。如西方要決云法侶提携。拔  
 生死苦云。按照機云。照明經云。即時觀其音聲。此二義  
 下云神通智慧神通與樂拔苦。意智慧照明義也。機感  
 云感應名交也。<sup>云</sup>▲本 足有德用之相者 問配  
 當經文德用之文如何 答千福輪躰也。其餘光明臺  
 金剛摩尼華用也。〇絕冥之處等者。日月不及處。鐵圍  
 山外及夜闍三途等也。〇破徃業等者。徃者徃昔作業  
 已前。或徃者生後。今當果故也。又<sup>坂下</sup>無數劫罪徃昔  
 作業也。〇聞名獲福等者。<sup>藤田</sup>經云聞名及見身心念  
 不空過。<sup>已</sup>上七難者。一火不能燒。二大水淺處。三鬼國得  
 脫。四刀尋段。五壞五惡鬼不害。六杻械斷壞。七商遇賊



脫也○二求者求男求女也是云獲應也云

▲第十一勢至觀之事

▲本 辨觀相即有其五等者 問見經文亦如觀世音者例身量大小計見故至下餘諸身相如觀世音文可立今五段何引上立之乎 答誠可如所難然而今觀初故提下意而曰立五段也○卷舒不定等者是隨時延促不定意也○化現有殊者同閻師也○經家一往等者為分二工異經家成寬校也○尤勝等者以光寬校顯尤右士勝劣也○由緣不同者所化有遠近光示遠近也或為觀音有緣說觀音光寬為勢至有緣可說勢至光勝也○問穢土等者問意五十一由旬日輪

照四万准之百二十五光可照十万由旬何但照二万由旬乎▲本 正明身光遠等者問配當經何文乎 答照十方國云遼又云及他方也此乃下普照一切令離三途等上照十方也又下智慧光者上作紫金色也○問大經等者問意大經云三千是校觀經云十方可寬二經不同故問難也答意大經說常光故校今經說神通光故寬次引興師釋以為潤色釋意可見 問大經云照三千智論云十万同常光也何有寬校乎 答准上所引諸師意可云由緣不同或卷舒不定欬又智論廣云諸菩薩大經別說尤右大士故大經云彼佛國中諸聲聞眾身光一尋菩薩光明照百由旬有二菩薩

最尊第一威神光明普照三千大千世界一名觀世音  
 二名大勢至已 問若然何故憬興引智論文會合勢  
 至光乎 答諸菩薩中勢至亦有故但論云十萬不  
 云三千約多分故也 問論云十萬由旬經云百由旬  
 相違如何 答菩薩次位淺深不可一准故經論各說  
 邊々歟云○即指極樂等者於極樂照分限同三千也  
 故云三千極樂雖無三千因准穢土也○法華疏二等  
 者過去有佛出世名寶藏佛其時王名無淨念有千人  
 王子皆隨王發心又佛父名寶海梵志王者彌陀也觀  
 音勢至王子也梵志者釋尊也又千人子者多現在千  
 佛也先大勢至者此菩薩行處震動故有大威勢也至

者行投足也次大勢志者同觀音志勢大故云也又取  
 大千世界志大故可名大世志也以世釋勢等者大勢  
 所志三千世故非世即勢義也○如彼文殊等者心地  
 觀經第三報恩品云文殊師利大聖尊三世諸佛以為  
 母十方如來初發心皆是文殊教化力上○觀音大悲  
 等者正觀音經云一切如來大悲皆集一躰觀世音  
 八寒八熱奈落伽大悲一人代受苦比○又淨影等者  
 問前義勝劣如何 答是師無窮也何菩薩內證同  
 佛何限勢至乎○知禮等者前義意從智惠起故名智  
 惠光能起所起異智惠之光依主釋也此師意智心法  
 光色法也智惠即心也此菩薩蓮色心不二故色法光

云智惠光即智惠持業釋也○隣極者佛果名極位等  
 覺隣妙覺極位故云隣極也若不介下引例謂法華云  
 深達罪福相迥照於十方微妙淨法身具相三十二  
 筵我身自空罪福無主故色心不二也▲經 此菩薩  
 天冠等者 問為寶華即天冠又寶華莊嚴天冠欵  
 答寶華即天冠也如說觀音天冠云毘楞伽寶以為天  
 冠云又寶華即天冠嚴也但至觀音難者今畧天冠寶  
 歟▲本 與觀音不同者 問寶華幢等觀音亦可有  
 何云不同乎 答二菩薩文既不同故云不同自躰具  
 不是由緣不同歟聖儀難知也▲本 四明他方等者  
 問釋經何文乎 答皆於中現為第四段又皆於中現

有二意謂皆字現字臺中現十方故第三段至皆於中  
 現取之映現字中現々字也雖現增減難知第四皆字  
 為別段也都無者經皆字意也○是故本土等者寶臺  
 能現十方所現於所現本質影像對云無增減此可有  
 數多亦形大小文約數釋增減而兼彼此無大小次  
 問難意有表裏意表約所現本土廣大能現寶臺枝小  
 裏兼所現質影數多少形大小可有之答中分迷悟所  
 問屬迷悟形數無導約悟情引經論々々俱能入校小  
 所入廣大以決問能所大小不齊維摩有三万餘座以  
 決多少疑次論約下初支能所大小無違次今約下支  
 木歟數量無導也又論約下支論今不同而無導同歟

言論約形今約數量雖有不同無异同故引證也是則  
問意淨土無异無限故云况未來成佛淨土皆可成  
可現故云彌對之實臺唯一云窄容也吞意迷前色法  
各別故大小無相容義悟前事々圓融故大小多少互  
收無妨是方法一心所變也能變心法既無异故所變  
色法亦無异也筵方法一心故覺悟人現其相也○若  
約迷事等者 問何故迷者隔歷悟則融包乎 答迷  
心本源於事方法執各々自性實有彼此既實何有融  
義然方法自性本無依心作假有達本源人於所變未  
何有隔异譬如於金蛇幻雅驚怖長人無動想大乘止  
觀云若就分別妄執之事即一向不融苦處心性起依

持之用即可得相撰上因問圓融有幾乎 答有三種  
不同一事々圓融如須彌芥子大海毛端相入是也二  
事理圓融如說諸法實相是也三理々圓融如云凡聖  
所具真理一味是也三種雖異理用為元也○又於閻  
浮等者高廣八万四千由旬座其數三万二千不限毘  
耶離城可滿四天下故上云於毘耶離城今又云於閻  
浮下云四天下也▲經 有一寶瓶者 問寶瓶量如  
何 答經釋不說之准觀音化佛可云二十五由旬欽  
▲經 高顯者高勝顯分明義也▲本 祇本所未者  
生淨土為證真理也故證理願名為所求也○此是虛  
科筆者以細釋七段對經文此菩薩坐時可第一七寶

等爲第二從下方等第四段於其等第五段側塞等第  
六演說已下第七也第三段經文無之而釋出故云虛  
科立虛科意可動自土他土然經說淨土動不說他方  
動故立虛科顯其義也此即行時動他方故座時亦可  
動經文影顯故釋加之也又一義云經文具說七段也  
謂此菩薩等第一七寶等第二從下方等第三第四下  
方上方名爲遠近中間佛刹名爲多少也於其等第五  
以下如前可知此虛科名目元出釋論云本論文段立  
科段釋時論文不見立科云虛科也如今家十一門也  
○答動自國等者是約道理判依座自國動自他土知  
自土前可動故釋云先次也又一義云今經文有其意

謂說自國時云一時動知他國後可動經文分明也故  
云先次也○答行時等者答意行時既云十方震動坐  
時何不然况依十方動十方分身可集極樂知從下方  
等者所動國土及分身所在也唯經文不云動是略也  
靈芝所判不知是等道理也○答懷興等者初引興師  
今謂下取捨與師釋中初有說意金光下上無分身也  
若尔下破彼立自義言依授記經十方皆有二尊分身  
也然今經下限金光上限光明懽感令然故但中間  
分身集余方無機故不來也下有十方分身准授記經  
故云其理極成取此也無機故云不來不順理故云不  
然捨也若尔今經何立上下限廣可說分身所在經且

略舉金光等也。▲經 色身相等者明觀想故云相故  
 異本云想又所觀身相故云想歟。○若生淨土業者下  
 有三義初義意別胎生云胞胎第二惣三界為胞胎也  
 第三邊地胎生云胞胎也初義中若生者未往生故云  
 若如云若我成佛也。○親胎者親母親胎懷也。○悲智  
 一變者觀音為悲勢至是智也。○氣類同者悲智氣分  
 相似故云氣類也。又氣々色二士狀相類似義也是則  
 形色似云類同下經云於一切處身同是也。

▲第十二普觀之事

○解普觀者 坂下 問普觀意如何 答此觀云普觀想  
 釋判自往生觀即其意同也上十一觀既成畢至此觀

自身從穢至淨華開聞法之益普觀故云普也或生西  
 方依正莊嚴見願故云普也 又觀佛身及徒衆生故云  
 普也此觀勝解作意觀也未結跏蓮臺唯想華未合為  
 合想華未開為開華也例如小乘不淨觀々々為治  
 色貪觀青瘀等不淨後作骨鏹觀也又如四無量心實  
 於衆生雖無拔苦與樂善為拔苦與樂希望此等皆勝  
 解作意觀也今此普觀亦如此也。○惣指十一觀等者  
 藤田 普觀依正惣結也前所觀十一境相往生見故見  
 此事者通指十一觀也意云先觀十一觀後可觀自身  
 往生如前所見々々十一境也 問一切定善往生行人  
 皆可修當觀乎 答佛既說去行往生二途故依此經

觀行者必可修此觀歟又設不作自身往生觀去行觀  
 有滅罪生善淨土往生回故機意樂不同可有不自  
 往生觀人而已 問設無去行觀以自往生觀可為生  
 因乎 答然也散心作願尚以為生因况定行何况自  
 生觀成見彼依正境何不成生回乎娑婆假日水觀成  
 往生直境觀可往生極成依之選擇許十三觀各々往  
 生此一觀何不往生○別指等者此義意上諸觀結前  
 皆指次上故別指勢至一觀云十一觀云十一境也○  
 前三觀者第九第十第十一三尊觀也是指正報真觀  
 也○五觀者第七已下正報觀也又憬興云此初指見  
 前觀也見前十一觀中依正兩報皆非理觀故云見此

事見此事言雖後惣合意在像觀々々成故普見無異  
 上 問此憬興釋相傳同異如何 答指前十一事相  
 傳同事字云事理中事相傳異也又限像觀上異也又  
 不云指勢至觀此亦異也 問相傳意事者其義如何  
 答事者躰義也指十一觀體云事也意在像觀者像  
 觀見三尊及聞說法今觀見聞彼同故別取歟▲本  
 二明向西想者 問第二子段牒釋經生於西方等文  
 若爾者可云二明生西想向字如何 答第一段提下  
 生意云自生想第二段向生處意有之故云向也○答  
 凡當等者答有二義初義意雖未往生觀往生相雖無  
 來迎可觀來迎然經畧不說也次義意平生觀無來迎

故不限來迎但勝解作意觀往生相也例如要集歸命  
 引接外作往生想也▲本 作眼開想等者 問為心  
 眼如何 答不介如上品下生說一日一夜華開七日  
 之中見佛三七日了夕見佛也○憬興云佛等者此師  
 存通報化義歟若唯報義樹下三尊等云變化歟○受  
 用變化等者指彼土教主真身名受用光中化佛樹下  
 三尊等云變化歟有云此師存通報化義歟今云與師  
 通報化義明據可勘之也○指淨土等者大乘經說十  
 二部故雖有具闕名十二部○守心常憶等者言出定  
 時依守心入定時觀心明淨也出定時無三邪障也○  
 有二利益等者觀心明淨諸惡不生行者所得功德云

云教門也○天台云等者是准前義依和禮釋自往生  
 見聞依正觀惣名普也○靈芝等者此師依正名普除  
 往生○憬興等者上云十一觀下四義意依正惣結也  
 但第六觀雖依報惣上限依報今惣通依正故無繁重  
 過○攬別成惣等者上五觀名別當觀名惣云○依報  
 惣觀等者以樓觀初衆寶國土句例今見此事句也○  
 有其四義等者經文佛菩薩為第一此加水鳥樹林為  
 第二見聞為第三丈六小身為假大身為實又變化云  
 假受用云寶飲又一義云以四義對經文次第不乱謂  
 見佛菩薩云諸佛菩薩加水鳥樹林云依正兩報已上  
 云見色及與以下為聞聲以上為實餘十二部經為依



此即所詮法躰為實能詮教門云假也能詮所詮對台云合即經合字也 問付前義經無第四義如何 答可含見佛及諸佛句欵○有其四義等者 下有云又以此四義經文次配全以連續謂第一經見佛菩薩第二經見佛菩薩木鳥樹林第三經見佛乃至所出音聲第四經見佛乃至十二部經合也謂能詮十二部經教門為假所詮依正音聲為實能詮所詮符合各合字也云今云以當觀經文配當四義事實似宜上既約前十二觀次第例惣觀名料簡普觀義明知此四義十二觀次第數依正兩報假實合觀普正是十三觀次第也能々可見合也 云

利益也○內與法樂等者入定為內出定名外也○三邪者 問既云外無三邪既三業中有意業是內何云三業乎 答今內外者是非身口意相對時身口為外意為內々外入定為內出定為外故出定時三業對入定內云外故不相違也○但淨影等者前義意所造十惡是身口意三業所作名三邪也今二師舉身三顯口業意業也此釋中邪過惡言可通十惡今顯邊々也○觀自生彼等者付普有二義初引下釋為證此義意通見依正故名普也次義意觀自身徃生始終名普也淨影釋此下一門自徃生觀此證也 問後義違下大意釋如何 答大意證終得生以後見依正故又住念願

見含自生想有何妨乎〇斯乃就自等者料簡本文住  
 念願見等文意也〇又嘉祥等者異二義故云又也此  
 師意正報教門名普此義意實樓為依報惣今觀為正  
 報惣彼釋云凡作十六觀則應為十六段今開為二第  
 一有十三觀作無量壽觀第二有三觀作九輩觀〇就  
 初觀無量壽後為二第一有六觀々無量壽國第二有  
 七觀々無量壽佛身〇就前觀無量壽國中後有二  
 意第一有五觀別觀第六一觀惣觀〇第二正明觀  
 就文為二第一別觀第二惣觀〇見此事時當起自心  
 生於西方下觀正果中為二第一別觀竟今第二惣觀  
 就此文有兩觀第一普觀第二雜觀比經云十二部經

▲第十三雜想觀之事

〇亦有真佛等者藤田問指何佛云真佛乎若指六十  
 萬億大身者彼非當觀境如何 答大身名真佛但至  
 難者當觀行者可思彼大身非我分也 又當觀機終可  
 見大身故為觀境也〇形像者經但想佛像又也〇余  
 准知者藤田上舉四義此外依正雜形色雜等〇惣有  
 四義筆者第一丈六為方便萬億為根本又思惟正受  
 欽言順故第二觀大身為利根觀小身為鈍根也是則  
 利根雖非常觀機舉第九境故就所觀舉能觀機當觀  
 機如此可思也第三可知第四或現大身所觀之形為  
 形量皆真金色為色相也可悉者當經文知義也〇又

憬興等者坂下以興師解釋配當上人解釋方便根本  
當上人第二義形量色相當上人第三義世尊等者當  
上人第一義利根鈍根者無配當文上人第四義與師  
釋外也○答普觀等者藤田答意普觀前十一機觀自  
身往生此依正惣結也利根觀也今別為鈍根令觀小  
身物諷淨影憬興其意同但淨歎意章提釋大菩薩若  
然惣凡夫云凡下又夫人內證雖然現凡夫相若然鈍  
根凡夫云凡下也○心帶或等者一切凡夫皆雖具惑  
重惑障心令鈍故別鈍機云心帶惑也若依小乘根障  
無知令鈍根不染無知攝也○淨影云等者第十三觀  
云次下一門上利根觀上重明故標重復等何故須重

問也問意前十二觀云佛菩薩何重令觀乎向前以下  
答也○又天台等者初問普觀下答也此師付雜觀義  
初約佛菩薩雜或隨物下紉機釋雜謂佛觀大小由機  
不同也此釋意自身往生見聞依正名普觀佛菩薩神  
力自在名雜觀此為普雜二觀差別故結云以此為別  
也○又靈芝等者此師意普雜二觀依正二報惣躰於  
中普觀者自往生見依正雜觀者限正報大小不定也  
此師意十三觀一機始終也○正觀記云等者 問師  
資釋其意如何 答前六觀中第六寶樓惣日月等別  
也華座至勢至別普雜二觀惣於此惣中普觀先觀自  
身後見正報已下可知 問普雜云三聖惣觀何見依

正哉又雜觀有依報何云唯觀正報乎 答普觀見依  
正經文顯然是觀成後自然見欵如像觀成見依報次  
雜想觀有依報者是佛座故以屬正報凡佛所座依正  
所屬不定如釋名門安云○次第豎修等者一人於十  
三觀從初次第豎修行也○聖相既多等者前十一觀  
雖成就尚為不忘失百普雜二觀也第八三身多第九  
第十第十一云聖相既多依報至第六重惣觀故第十  
二觀略觀之第十三但觀正報故但云聖相除依報歟  
○又祖師云等者 問宗家一邊令被鈍機何存三義  
乎 答且順他師第二義正和尚意也又雜正意雖為  
鈍機何妨上來次第觀機亦用也▲本 結勸生後等

者結得生也上得生為所觀今結勸上所現得生結觀  
意在若欲々字也云或對菩薩等者當觀可有菩薩觀  
故即下云觀音等也▲本 想水以表地者舉池水即  
丈六所在故云或在池水華上然水有表地之德故因  
釋出也○表真者表今顯也以假顯真也○指經池水  
等者此義意經唯說池水佛然釋舉寶宮林等為佛在  
處故經且說一機觀相故且云池水釋舉多機觀相云  
寶宮等也一義云佛在處雖多只一機觀境也佛在處  
多故觀池水佛機亦可觀餘處釋一一住心等言准一  
機觀多身觀亦多境一機例也▲本 境大心小等者  
先說大身云境大當觀劣機心品云心小非是凡夫心

力所及成境大由故非措彼云心小言凡走心力不及  
 報身其身廣大當觀小機難成云也又先說大身云境  
 大凡走心力不及云心小等言先所說大身非今漸機  
 所及故令觀小身也云云前義玄義取意也今義宗要意  
 也▲本 凡心校小等者然彼下通伏難故今先舉伏  
 難意故第九觀機云凡心校小彼大身云聖境彌廣彼  
 自力難及故云恐難成就斯乃下通伏疑々々意可知  
 又一義云今初舉第三段意為當段由故上心小云凡  
 心校小彼境大云聖量彌寬斯乃下通伏難々々意謂  
 當觀漸機丈六觀成後不可成大身觀幾通意宿願力  
 故可成大身觀自本此機觀小身素意在大身故上云

觀像以表真也 問若然與第八觀有何異乎 答是  
 意樂邊異也彼為大身方便觀像此住大身不及思觀  
 小彼像不限丈六故嘉祥云觀百丈身今限丈六也○  
 宿願力等者是記有二義初義般舟經所說三力中大  
 誓願力也分三力其中第一名大誓願為見佛增上緣  
 知今觀成見佛宿願者指彼誓願者諸佛通愍願也觀  
 念法門引之成見佛緣義是也非四十八願也文殊般  
 若云諸佛同躰大悲是也雖云諸佛通愍是非四弘也  
 四弘愍願度生此義通諸佛故愍之中愍也般舟經誓  
 願別限見佛此義亦通諸佛是愍中別也六八願別彌  
 陀一佛願故是別之中別也三種願其相各別也以此

意可見也次問答意以別願義難惣願義也答以難易  
 分別成會通謂往生難故依別願見佛易故但依惣願  
 也 問此義不明群疑論引宿願力又云故知乘宿願  
 力觀受用身亦乘宿願力生受用土<sup>上</sup>若尔何依惣願  
 凡夫生報土乎 答經宿願力言實通惣別二願然感  
 師釋得生邊故存別願和尚約見佛緣云通惣故非相  
 違 問觀念法門指三力云三念願力為見佛緣證今  
 何云其中初一哉 答見佛必加三力令見然今云宿  
 願力三力中大誓願力也但觀念法門三力中願力勝  
 故且餘二力合云三念願力也 問觀念法門引第七  
 觀願力所成合般舟經願力玄義云顯別弘願知三力

中大願別願也况引九品見佛合般舟經三力來迎豈  
 為惣願力乎 答本經既為諸佛通惣三力是諸佛通  
 惣但彌陀佛有惣別願故觀念法門且約惣願九品見  
 佛亦取惣邊次玄義約別願邊顯往生增上緣是非見  
 佛邊也○諸佛通惣之願等者<sup>下</sup>問付此義有疑群  
 疑論引宿願力文云故知乘宿願之力觀受用身亦乘  
 宿願之力生受用土<sup>上</sup>若尔何云惣願乎依惣願凡夫  
 不生報土故如何 答有云經宿願力言真通惣別二  
 願然感師釋得生邊故存別願和尚約見佛緣故云通  
 惣云今云此義意以亦乘宿願力生受用土文同經然  
 彼如來宿願力料簡未知文意欬相傳意群疑論彼土

判他受用土時若他受用土如何生地前凡夫乎難合  
之然以阿弥陀佛殊勝本願增上緣力文為成此義引  
數多例文其中引然彼如來等文云故知乘也然上故  
知乘宿願成經定善見佛義亦乘宿願結成上然以阿  
彌陀佛殊勝本願等文也全非釋經宿願力文云亦乘  
宿願力筆明知故知乘宿願力之文約惣願亦乘等文  
述別願利益也○例如群疑論等者藤田以釋迦不思  
議令凡夫二乘且見報身以例依惣願見佛以本願力  
令凡夫生彼土亦合今得生也○復有一義如決疑抄  
者此義約別願即四十八願中攝衆生慈悲也於中臨  
終來迎等願加平生見佛也章提住立空中見佛是酬

現其人前願來迎則此義也又一義云宿願力者般舟  
經三力合云宿願力也觀念法門云彌陀佛三念願力  
外加故得令見佛言三力者如般舟三昧經說云一者  
以大誓願力加念故得見佛二者以三昧定力加念故  
得見佛三者以本功德力加念故得見佛已下見佛緣  
中例同此義比又云至誠信心願心為內因又獲彌  
陀三種願力以為外緣內外因緣和合故即得見佛比  
又云觀音勢至普雜觀及下九品人三力外加故得見  
佛已所言三力者即是諸佛因果惣別願功德故本經  
云欲見何方佛即得見何以故持佛力三昧力本功德  
力用是三事故得見已所以回行功德有願義者為成

度衆生願地載永劫勤苦故念々有度生願求也 問  
 本經云欲欲見何方佛等既是通諸佛通愬功德何云  
 愬別合乎 答愬願之體諸佛同別願諸佛皆雖各別  
 各々成別願故愬別俱云通諸佛也明諸佛功德不可  
 限愬功德勝別德故通諸佛合愬別爲三力若約弥陀  
 四弘及四十八願等名大誓願故別願來迎九品見佛  
 亦云三力外加也三種皆有願義故合名宿願力謂爲  
 成永劫修行本功德故修行時亦願心起也至果位亦  
 有度生願心釋尊初成道三七日間思惟度生事又每  
 自作是念以何令衆生得入無上道速成就佛身比是  
 果位有度生心證也 問依弥陀愬別願成見佛云者

成定善是本願如何 答只是取攝取生邊也故非定  
 善生因本願也 問諸佛於果位有度生願心者其義  
 不明諸佛成覺度衆生事是非感應道交理耶如水月  
 任運無作意淨土論云同地水火風虛空無分別比何  
 果位有度生願心乎 答諸佛證覺後雖無能度所度  
 分別作意他受用變化永現慈悲用相是任運無分別  
 慈悲願心也故唯識論云如來欲無滅文是果位不共  
 隨一也何同因位作意分別乎八地已上因位既無功  
 用也况佛果○不以凡等者言能觀心凡心故小所觀  
 聖境故大身也能所雖不相應依宿願力觀成佛現也  
 本文但云小大故其躰不顯故記云不以凡心等也○



或重舉等者就佛像有二義初義意彼土丈六影像云  
 佛像以之况大身也上云丈六影像為所觀境今亦舉  
 彼故云重舉也次義意此土形像也非上丈六以此土  
 形像况彼土大小身也淨影釋此土形像證也見釋意  
 但相佛像等釋形像阿彌陀下為何况觀佛所觀阿彌  
 陀所現大小身云何況觀佛故上佛下文丈六八尺其躰  
 別也文六八尺既彼土影像也知上佛像者此土形像  
 也惣見彼釋上一丈六又此土像也○或佛像等者  
 問此義意經具足身相中大小身俱有之乎 答淨影  
 若大若小皆是佛身釋其證也又靈芝戒度釋分明也  
 ○靈芝云等者此師意此土形像也戒度釋合觀佛三

昧經故彼經觀此土形像故下小身大身別云淨七故  
 也▲本 能觀所觀佛像雖身有大小等者 問大身  
 是非當觀境何云所觀大小乎 答所觀言別可屬小  
 身非通大身也又大小俱可云所觀謂當觀人大身為  
 大機小身為自可觀想故云○淨影大經疏等者釋五  
 眼因眼中青白眼云形屬是所依扶根也此中有清淨  
 根如珠寶光云淨根是能照境故名眼夕者照見義也  
 故百法疏云眼者照燭義故名之為眼瑜伽第三云屢  
 觀衆色觀而後捨故名為眼梵云斫菟者行義菟者  
 盡義謂能於境行盡見諸色故名行盡翻為眼者躰用  
 相當依唐言譯矣眼依肉名為肉眼肉之家眼依主釋

也或可云相違釋肉眼二法故或可有財釋有肉眼故  
 一切禪下釋天眼因果俱住禪定故名天住天是勝自  
 在義廢義言也依上界定引得明了眼根名天眼釋經  
 一時佛住佛住四禪名天住色無色天有定故依定力  
 得清淨眼根可見彼禪細遠見四方能見已下明功能  
 也以上二眼色法為體下三智惠為身也智能下釋法  
 眼能緣惠名眼所緣事法名法是緣俗諦諸法知衆生  
 根性等故云能見一切等隨根性知度生法云並知等  
 也照空下釋惠眼照空主惠名惠眼惠即眼故持業釋  
 也此空望小乘真諦理也故云實惠云真空若望佛惠  
 尚是假也俱鉢雖惠空有為異也前四下釋佛眼照中

道理名佛眼次佛下釋佛眼所緣也佛具五眼故云佛  
 眼具惣付之有橫豎若約豎凡夫唯具肉眼得通凡夫  
 具天眼二乘法眼菩薩惠眼佛之眼也若約橫佛具五  
 眼菩薩具四除佛眼二乘具三除佛惠二得通具二凡  
 夫具一也又演秘云 問惠法二眼以何為鉢 答以  
 惠為鉢然本後智分為兩釋一云二眼皆後得智惠眼  
 觀空法眼觀有或二種眼通觀空有二云惠眼觀如即  
 根本智法眼觀空即後得智祥曰今依後解有所資故  
 對法論云真如唯是聖惠眼境故知惠眼而緣真如  
 問佛眼體如何 答有二義一云目別法惠果惣佛眼  
 故智度論云猶如四河而至無熱池惣名為海二云無

分別惠以為其躰而惠法眼躰有別故或以大悲名為  
佛眼祥曰前解為本智度論文自明解故後釋大悲義  
亦局故矣凡佛眼者照如來藏中常樂我淨四德婆羅  
蜜又以真空真寂法也此五眼中前四眼別後佛眼惣  
也○不空真實者佛所證有空不空二空者法性空寂  
推諸有相不空者空性法尔而舍万德名為不空真實  
菩提心論云忘心若息時心源空寂万德斯備妙用無  
窮上釋論二云真如者依言論分別有二種義云何為  
二一者如實空以能究竟顯真實故二者如智不空以  
有自體具足無漏性功德故所言空者從本已來一切  
深法不相應故謂離一切法差別相以無虛妄念故當

知真如自性非有相非無相非々有相非々無相非有  
無俱相非一相非異相非々一相非々異相非一異俱  
相乃至惣說依一切衆生以有妄心念々分別皆不應  
應故說為空若離妄心實無空故所言不空者已顯法  
體空無妄故即是真如常恒不變淨法滿足則名不空  
比○天台云等者是玄二文也於五眼三智分真俗二  
諦三智者大品經三智品云一切智智空二一切種智  
中三道種智智假二智中二智五眼中四眼尚是俗諦也  
故云万像森然第二一切種智第五佛眼真諦故云真  
空真寂也 問四眼中惠眼及三智中空智何俗諦乎  
答二諦相望是不同也若空有相對有為俗空為真

意也○大乘圓教意以中道為真空者尚為俗况二乘雖  
證空理未離變易故是有為也有法執故尚是有漏也  
故涅槃經云是聲聞僧有為有漏比 問分身即菩薩  
何可攝屬乎 答分得佛智故可真諦也 問五眼三  
智配屬如何 答肉天法三伴道種智菩薩出假利生  
智故更眼一屬一切智是菩薩內證智故佛眼伴一切  
種智中道智故也云云 ○疑非佛身等者當觀經文有二  
初以丈六為當觀境次前大身為非其境畏若唯如此  
者當觀漸譏可輕丈六非是真佛故下文說云阿陀陀  
佛神通如意令知大小皆是一切皆是所作以拂小身  
不足之疑也○勝劣化用者大小身也○答顯色等者

答意大段限八尺開意為第三子段合意也開合由如  
記青黃赤白等名顯色故皆真金色顯色也長短方圓  
等各形色故丈六八尺形也也縱容者是不定義也假  
令所現之形下或合上或可別段也○指同前觀等者  
第十十一觀云前觀言第九云六十万億侍者云八十  
等今佛身云丈六故侍者可八尺等小身也○又淨影  
等者二士同極樂眾生云云○靈芝同之者彼釋云但觀  
首相可辨二聖觀音冠有三佛勢至髻有寶瓶比○何  
辨身同異者何者誰也言衆生屬上句誰為能知人是  
破影師等也○上云其手等者今云經雖說觀音手相  
未說勢至手相勢至手相如何異觀音若亦何云皆是

經文乎○悲華第二三聖發願等者彌陀發六八願淨土成佛二菩薩願為彼淨土補翼寶藏投記也○法華疏三等者彼疏分四眾發起影響當機結緣也今釋第二影響文也諸佛示因位相故云陰其極法身現二菩薩等云陰其圓法身者初住已上斷無明證圓理菩薩也如是現助釋迦法王化助相不顯云無為作而冥助佛化云有巨益也疏記釋此文云亦法譬合初法者初兩句明影響之本此陰其下明能補之迹所補唯一故云法王而能補者示因示漸示始示終眾聖之威儀也示因故古佛隱極而現修行示漸故法身潛圓以現偏小此皆匡補釋迦法王匡正也謚法曰貞心大慶曰

匡補者毘助也貞心助主知物譏有在讓正化之功故云影響次喻者如星晦猶照之用但建補月之功顯德冥扶故云雖無為作而有巨益大論問諸比丘何故常隨世尊 答如病差隨醫顯醫功也此舉實行者尚有影響之儀况法身古佛垂形助化故知四眾如輕病者差八部如重病者差輕重俱有權實影響比所引記意云往古諸佛等云初兩句等諸佛菩薩隨本地云本謂佛隱極現曰位菩薩隱圓成二乘故云迹如是垂迹助佛化云能補釋尊是所補也獨一故云法王世無二佛國無二王意也佛隱極果成因位修行故云示現修行小乘云示漸二乘始云示始二乘極果云示終如是助

佛化是衆生威儀也謚法筆者外書召也負々絮也心正直此淨義也以此事助佛化也毘即助也知所化機根起能化教云知物等自心雖知示不知相讓佛今說此云讓正化之功次喻者星者明不顯月明星光劣故月顯勝也故星助月義也星光劣云星晦獨照云獨之用顯德冥扶者往古諸佛等現回相釋迦爲能化今假證果等顯釋迦德也此云顯德依此引實者故云冥扶大論問等者大論者意實者猶有宿佛義謂實行人斷證後不離佛顯佛德也四衆者比丘比丘尼優婆塞優婆夷此人道故云輕病既斷證故云差八部衆中多畜類故云重病斷證故云差四衆八部各可有權者實者

故云輕重等也○發起擊動筆者對機說法云擊動事佛欲對譏說法必發起影響現前云令發起也

▲惣緒之事

○問曲考等者問意常提請有二一欣淨緣請依報依此請佛說前六觀二第七觀見住立佛請正報依此佛說後七觀今何云十三觀依欣淨緣請乎次答意約章根請依正各別請約佛意夫人請依報時可說十三觀思食故今釋佛意邊也

▲惣讚之事

▲本 天人音樂互相尋者取大經意也○又今家筆者前義意大師釋中惣不載新譯言故今有情言非用

新譯但衆生異名也今義慈大師嘗用新譯言法事讀  
 妄語云虛誑等也其故今家與玄奘在世相雙故可見  
 新譯也 大師以在生雖不雙三藏滅後可見新譯何  
 必雙二師在生乎 答玄奘歸唐後今家人滅不可見  
 新譯爲顯大師久住世且明二師並在世也付此有異  
 說若依年代記隋高祖十九年庚申年玄奘誕生太宗  
 三年己亥奘初行西天時年三十歲太宗貞觀十九年  
 玄奘歸唐時年四十六乾封元年戊午年玄奘入滅時年  
 六十三歲也和尚隋煬帝大業九年酉癸年誕生玄奘其  
 時年十四歲玄渡天祀玄三十歲和尚十七歲玄歸唐  
 己年玄四十六和尚三十三歲玄入滅戊壬年玄六十三

和尚五十其後經十九年和尚六十九永隆二年逝去  
 玄奘歸唐以後經十八年玄入滅故二師在世相並事  
 十八年也玄歸唐以後經三十六年和尚入滅其間何  
 不見新譯經論乎又若依覺瑜類聚傳此義慈龍朔三  
 年癸年過二年乾封元年玄六十三入滅此年當己丑  
 以此論勘癸亥年玄誕生也和尚誕生酉年玄十一歲  
 也玄渡天祀年玄二十七和尚十七玄歸唐己年玄四  
 十三和尚三十三玄入滅丑年玄六十和尚五十三故  
 二師在世相並事二十一年也其後和尚經十七年入  
 滅若除雙年經十六年也玄歸唐以後和尚在世亦經  
 三十六年何不見新譯經論乎云

觀經定善義傳通記卷第三見聞畢

享保十六年十一月九日謹寫

六十二紙

三緣山

活字



